



ასპინძის სახელობა

ასპინძის მუნიციპალიტეტი * საქმიანობა . 2019 * (7)54

გეოლოგია „შოთაობის“ სახელობა გეოგრაფია!

გვანდომი!

შოთა რუსთაველის 800 წლისთავის საიუბილეო ქრონიკა



საქართველოს რესპუბლიკის უმაღლესი ვილდო ხელოვნებისა და ლიტერატურის დარგში შოთა რუსთაველის სახელს ატარებს (შოთა

რუსთაველის სახელმწიფო პრემია). თბილისის მთავარ გამზირსაც რუსთაველის სახელი ჰქვია. თბილისის საერთაშორისო აეროპორტი შოთა რუსთაველის სახელს ატარებს. ასევე არსებობს შოთა რუსთაველის სახელმწიფო აკადემიური თეატრი, შოთა რუსთაველის ქართული ლიტერატურის ინსტიტუტი საქართველოს მეცნიერებათა აკადემიასთან, და ა.შ.

– 1965 წლის ივლისი — შოთა რუსთაველის დაბადების 800 წლისთავთან დაკავშირებით, შეიქმნა სრულიად საკავშირო საიუბილეო კომიტეტი პოეტ ნ. ტიხონოვის თავმჯდომარეობით.

– 1965 წლის ოქტომბერი – საბჭოთა კავშირის მხრალთა კავშირში გაიმართა შოთა რუსთაველის დაბადების 800 წლისთავის აღსანიშნავი საიუბილეო კომიტეტის სხდომა.

1966 წლის აგვისტო – ქ.თბილისის ოპერისა და ბალეტის სახელმწიფო აკადემიურ თეატრში რესპუბლიკის ქალაქებისა და რაიონების თვითმყოფელი ანსამბლების მონაწილეობით გაიმართა გრანდიოზული საზეიმო კონცერტი მიძღვნილი რუსთაველის 800 წელთან დაკავშირებით.

– 1966 წლის სექტემბერი – გაიმართა შოთა რუსთაველის დაბადების 800 წლისთავისადმი მიძღვნილი საქართველოს მეცნიერებათა აკადემიის სესია. რომელშიც მონაწილეობა

მიიღეს საბჭოთა და უცხოელმა მწერლებმა და მეცნიერებმა.

– 1966 წლის სექტემბერი – ახალციხეში გაიმართა მიტინგი რუსთაველის ძეგლის გახსნასთან დაკავშირებით.

– 1966 წლის სექტემბერი – ასპინძის რაიონის სოფელ რუსთაველში საქართველოსა და უცხოეთის დელეგაციების მრავალმა წარმომადგენელმა გვირგვინებით შეამკეს გენიალური პოეტის ძეგლი.

– 1966 წლის სექტემბერი. – ძველ-ნაკრძალ ვარძიაში გაიმართა გრანდიოზული შეხვედრა საქართველოსა და მსოფლიოს 80-ზე მეტი ქვეყნის მრავალ ცნობილ მწერალსა და პოეტთან, მთარგმნელსა და ხელოვნების წარმომადგენლებთან.

– 1966 წლის სექტემბერი – ს.ჯანაშიას სახელობის სახელმწიფო მუზეუმში გაიხსნა რუსთაველის ეპოქის მატერიალური კულტურის ამსახველი გამოფენა.

– 1966 წლის სექტემბერი – თბილისის სახელმწიფო უნივერსიტეტში რუსთაველის 800 წლისთავის საიუბილეოდ ნიგნისა და ილუსტრაციის გამოფენა მოეწყო, სადაც „ვეფხისტყაოსნის“ მრავალი ილუსტრაცია წარმოადგინეს.

– 1966 წლის ოქტომბერი – თბილისში, რუსთაველის ძეგლთან, გაიმართა რუსთაველის 800 წლისთავის იუბილისადმი მიძღვნილი საზოგადოების შეკრება.

– 1966 წლის ოქტომბერი – ზ. ფალიაშვილის სახელობის ოპერისა და ბალეტის სახელმწიფო აკადემიურ თეატრში გაიმართა რუსთაველის 800 წლისთავისადმი მიძღვნილი საიუბილეო კონცერტი.

– 1966 წლის ოქტომბერი – თბილისის სპორტის სასახლეში გაიმართა რუსთაველის დაბადების 800 წლისთავისადმი მიძღვნილი თეატრალიზებული წარმოდგენა – „ოდა რუსთაველზე“.

– 1966 წლის ოქტომბერი – თბილისის „ლოკომოტივის“ სტადიონზე გაიმართა რუსთაველის 800 წლისთავის იუბილისადმი მიძღვნილი სპორტული დღესასწაული.

– 1966 წლის ოქტომბერი – ქართული პოეზიის დღეებით დაიწყო მოსკოვში რუსთაველის 800 წლისთავის საიუბილეო ზეიმი.

– 1966 წლის ოქტომბერი – მოსკოვში „ბოლშაია გრუზინსკაია“ სკვერში გაიხსნა შოთა რუსთაველის ძეგლი.

– 1966 წლის ოქტომბერი – მოსკოვის დიდ თეატრში რუსთაველის 800 წლისთავისადმი მიძღვნილი საზეიმო საღამო ჩატარდა.

– 1966 წლის ოქტომბერი – მოსკოვის კრემლის ყრილობათა სასახლეში რუსთაველის 800 წლისთავისადმი მიძღვნილი საქართველოს ხელოვნების ოსტატთა კონცერტი გაიმართა.

ხელისუფლებისა და საკანონმდებლო ორგანოს წარმომადგენლები ასპინძაში

ახლახან ასპინძის მუნიციპალიტეტის მთავრობის წევრებმა ადგილობრივი ხელისუფლების წარმომადგენლებთან ერთად მოსახლეობასთან შეხვედრები გამართეს.

საქართველოს გარემოს დაცვისა და სოფლის მეურნეობის მინისტრის მოადგილე სოლომონ პავლიაშვილი, საქართველოს პარლამენტის ვიცე-სპიკერი ილია ნაკაშიძე, ახალციხისა და ადიგენის მუნიციპალიტეტის მაჟორიტარი დეპუტატი გია კოპაძე, ასპინძის მუნიციპალიტეტის მერი როსტომ მაგრაქველიძე და საკრებულოს თავმჯდომარე მამუკა მელიქიძე ასპინძის მუნიციპალიტეტის სოფლების: ნაქალაქევის, მირაშხანის, თმოგვისა და ფიის მოსახლეობას შეხვდნენ.



ადგილობრივი მოსახლეობის წარმომადგენლებმა ხელისუფლების მაღალჩინოსნებს სოფლის განვითარებისთვის

პრიორიტეტული საჭიროებები გააცნეს და, შესაბამისად, მათგან დაგეგმილი სამუშაოების შესახებ საინტერესო ინ-

ფორმაციები მოისმინეს. ცენტრალური და ადგილობრივი ხელისუფლების, აგრეთვე, საკანონმდებლო ორგანოს წარმომადგენლებმა მოსახლეობის მიერ დასმულ კითხვებს ამომწურავად უპასუხეს. ადგილობრივებს სოფლის მეურნეობისა და გარემოს დაცვის მიმართულებით არსებული სიახლეები გააცნო მინისტრის მოადგილემ სოლომონ პავლიაშვილმა და, ასევე, სახელმწიფო პროგრამებში მოსახლეობის აქტიური ჩართულობის მნიშვნელობაზე გაამახვილა ყურადღება, გარდა ამისა, საუბარი შეეხო ინფრასტრუქტურული პროექტების მიმდინარეობასა და განსაკუთრებით სასმელი და სარწყავი წყლის სისტემების მოწყობის რეაბილიტაციაზე.

მუნიციპალიტეტის საკრებულო

8 აგვისტოს ასპინძის მუნიციპალიტეტში საკრებულოს მორიგი სხდომა გაიმართა. დეპუტატებმა დღის წესრიგით გათვალისწინებული რამდენიმე საკითხი განიხილეს:
1. ასპინძის მუნიციპალიტეტის საკრებულოს 2017 წლის 27 ივნისის N13 დადგენილებაში
2. 2019 წლის ბიუჯეტის II კვარტლის შესრულების ანგარიშის განხილვის შესახებ;

3. ხელშეკრულების ობიექტის მიმართ, წარმოდგენილი ხარჯთაღრიცხვის შესაბამისად, დამატებითი სამუშაოებისთვის 1264,29 ლარით ხელშეკრულების ღირებულების გაზრდის შესახებ, ასპინძის მუნიციპალიტეტის მერისთვის თანხმობის მიცემის თაობაზე.

საკრებულოს ჩივბაჩუმი

26 აგვისტოს, ასპინძის მუნიციპალიტეტის საკრებულოს თავმჯდომარის მამუკა მელიქიძის თავმჯდომარეობით საკრებულოს რიგგარეშე სხდომა გაიმართა, სადაც განიხილეს შემდეგი საკითხი: ასპინძის მუნიციპალიტეტის 2019 წლის ბიუჯეტში ცვლილების შეტანის შესახებ, რომელიც დეპუტატებმა ხმათა უმრავლესობით დაამტკიცეს.



ფიქები პოეზიაზე

„ჭოგბინ ჩემთვის ისეთივე ძვირფასია, როგორც გაზაფხული, რომელიც მანახლავს და ახალგაზრდას, ისეთივე ატყელებელია, როგორც სიყვარული, რომელიც მიხანგრძლივებს სიცოცხლეს. რა ღატაკი იქნებოდა ადამიანი, რომ მას არ გააჩნდეს ასეთი განძი – ლექსი“.

ვერიკო ანუფავრიძე

პატივი მიაგეს



8 აგვისტოს, კულტურისა და დასვენების პარკში ასპინძის მუნიციპალიტეტის მერიისა და საკრებულოს ხელმძღვანელმა პირებმა თანამშრომლებთან და მოსახლეობასთან ერთად 2008 წლის 8 აგვისტოს ომში დაღუპული გმირები კიდევ ერთხელ გაიხსენეს და სამშობლოსათვის თავდადებულ გმირთა მემორიალი გვირგვინებითა და ყვავილებით შეამკეს, დაანთეს სანთლები და წუთიერი დუმილით პატივი მიაგეს დაღუპულთა ხსოვნას. გარდაცვლილთა სულების მოსახსენიებლად პანაშვიდი ასპინძის წმინდა გიორგის სახელობის ტაძრის მღვდელმსახურმა მამა ზაქარიამ გადაიხადა. „2008 წელს რუსეთის აგრესიის დროს საქართველომ 169 სამხედრო მოსამსახურე, 16 პოლიციელი და 188 მშვიდობიანი მოქალაქე დაკარგა. მათ შორის იყო სოფელ მირაშხანის მკვიდრი, საქართველოს თავისუფლებისათვის დაღუპული გმირი ტარიელ ქაშიაძე. როგორც შეკრებილებმა აღნიშნეს, 8 აგვისტო უმძიმესი დღეა საქართველოს უახლოეს ისტორიაში. უდიდეს ტრაგედიას თავის გმირები ჰყავს, რომელთა თავდადება სამაგალითოა ყოველთვის. შესრულდა საგალობლები ვაჟთა ფოლკლორულ ანსამბლ „წუნდას“ მიერ.

რუსეთის მხრიდან საქართველოს წინააღმდეგ განხორციელებული აგრესიისა და ოკუპაციის გასაპროტესტებლად სანთლებით სიმბოლურად საქართველოს რუკა გამოსახეს და მანათობელი ფრანები გაუშვეს, – როგორც მშვიდობის გზავნილი.

საინფორმაციო შეხვედრა

ამ დღეებში ასპინძის მუნიციპალიტეტის ადმინისტრაციულ შენობაში გაიმართა საინფორმაციო შეხვედრა – „გარემოზე ზემოქმედების შეფასების კოდექსის შესახებ“, რომელსაც ექსპერტი გაა ჟორჟოლიანი და არასამთავრობო ორგანიზაციის – „საზოგადოებრივი დამცველის“ წარმომადგენელი ირინა ფუტყარაძე უძღვებოდნენ. აღნიშნულ შეხვედრას ესწრებოდნენ მუნიციპალიტეტის მერი როსტომ მაგრაქველიძე, მუნიციპალიტეტის საკრებულოს მაჟორიტარი დეპუტატები და ინფრასტრუქტურის, ჯანდაცვის, გარემოს დაცვის მიმართულებით დასაქმებული პირები. შეხვედრა კითხვა-პასუხის რეჟიმში წარიმართა.

ჯიროვანი კონტროლი - ზისრულაუვლ საუზაოვს!

როგორც ჩვენი გაზეთის მკითხველებმა იციან, მუნიციპალიტეტის სინამდვილეში უკანასკნელი წლებია, არაერთი მნიშვნელოვანი ინფრასტრუქტურული პროექტი განხორციელდა, რამაც შესამჩნევად შეცვალა როგორც დაბის, ასევე სოფლების დიდი ნაწილის იერსახე, საგზაო ინფრასტრუქტურაზე რომ არაფერი ვთქვათ, კეთილმოეწყო როგორც დაბის შიდა ქუჩები, ასევე ტროტუარები, მდინარე ოთის წყლის კალაპოტში ჩატარდა და ამჟამადც მიმდინარეობს ნაპირსამაგრი სამუშაოები, მრავალსართულიან კომუნალურ ბინების სადარბაზოებს ჩაუტარდა ევროსტანდარტების შესაბამისი რემონტები და მრავალი სხვ. რაც, პირველ რიგში, მათ ხარისხიან შესრულებაზე ჯეროვანი კონტროლის დაწესებითაა გამოწვეული. ახლახან, ამ მიზნით, ასპინძის მუნიციპალიტეტში ინფრასტრუქტურული სამუშაოების მიმდინარეობის პროცესს ადგილზე გაეცნენ რეგიონული განვითარებისა და ინფრასტრუქტურის სამინისტროს შესყიდვების სამმართველოს წარმომადგენლები – ოთარ არევაძე და დავით ბერაძე.



სამცხე-ჯავახეთის სახელმწიფო რწმუნებულის პირველი მოადგილე შალვა ბერძენიშვილი, ასპინძის მუნიციპალიტეტის მერი როსტომ მაგრაქველიძე და მერის მოადგილე დავით პაპაშვილი.

ახალგაზრდობის საერთაშორისო დღე აღნიშნეს

ყოველწლიურად 12 აგვისტოს აღინიშნება ახალგაზრდობის საერთაშორისო დღე, რომელიც გაეროს ინიციატივით 1999 წლიდან იქნა დაწესებული. როგორც ყველგან, ასპინძაშიც ამ დღის აღსანიშნავად მუნიციპალიტეტის მერიის დაფინანსებითა კულტურის ცენტრში უფასო კონცერტი გაიმართა ცნობილი ქართველი იუმორისტის პაატა გულიაშვილისა და პაატა ხაჩიძის მონაწილეობით.

აღნიშნულ ღონისძიებაზე მუნიციპალიტეტის მერმა როსტომ მაგრაქველიძემ დამსწრე საზოგადოებას ახალგაზრდობის საერთაშორისო დღე მიულოცა. ახალგაზრდებს, რომლებმაც მთელი წლის განმავლობაში სხვადასხვა მიმართულებით მნიშვნელოვანი წარმატებებს მიაღწიეს, მერმა მადლობა გადაუხადა და დააჯილდოვა სიგელებითა და ფასიანი საჩუქრებით



8 აგვისტოს, ასპინძის მუნიციპალიტეტის მერიისა და საკრებულოს ხელმძღვანელმა პირებმა თანამშრომლებთან ერთად სოფელ მირაშხანში, 2008 წლის რუსეთ-საქართველოს ომის 11 წლისთავზე პატივი მიაგეს საბრძოლო მოქმედებებში საქართველოს თავისუფლებისათვის დაღუპული გმირის ტარიელ ქაშიაძის ხსოვნას და მისი სახელობის მემორიალი და საფლავი ყვავილებით შეამკეს.

შესვენება გენდერის დოკუმენტის თანამშრომლებთან

14 აგვისტოს, ასპინძის მუნიციპალიტეტის მერიის ადმინისტრაციულ შენობაში, საქართველოს სახალხო დამცველის, გაეროს ქალთა ორგანიზაციის მხარდაჭერით გაიმართა შეხვედრა დევიზით – „ქალთა ეკონომიკური გაძლიერება საქართველოში“. აღნიშნული პროექტის ფარგლებში სახალხო დამცველის აპარატი წლის ბოლომდე გეგმავს განხორციელოს თვითმმართველობის ორგანოების გენდერული პოლიტიკის კვლევა, რაც გულისხმობს მუნიციპალიტეტების მიერ დაგეგმილი და განხორციელებული ინიციატივების ანალიზს და მათი გავლენის შეფასებას ად-



გილობრივი მოსახლეობის, განსაკუთრებით კი ქალების და მოწყვლადი ჯგუფების კეთილდღეობაზე შეხვედრას უძღვებოდნენ სახალხო დამცველის აპარატის გენდერის დეპარტამენტის თანამშრომლები

გვანცა ხარატიშვილი და სოფო რუსეცი. აღნიშნულ შეხვედრას მონაწილე ქალბატონებთან ერთად ესწრებოდნენ ასპინძის მუნიციპალიტეტის მერიისა და საკრებულოს თანამშრომლები.

ცოტნეობა - 2019



ტრადიციულად, ამა წლის 12 აგვისტოს, დიდი ქართველი წმინდანის, ცოტნე დადიანის ხსენების დღესთან დაკავშირებით ასპინძის

მუნიციპალიტეტის სოფელ დამალაში, კობტას ციხის მიმდებარე ტერიტორიაზე საზეიმო ღონისძიება გაიმართა.

ასპინძის წმინდა გიორგის სახელობის ტაძრის მღვდელმსახურმა მამა ზაქარიამ პარაკლისი აღავლინა, რომლის დასრულების შემდეგ ა(ა)იპ „ასპინძის სახელოვნებო და სამუზეუმო დაწესებულებათა გაერთიანება – კულტურის ცენტრში“ შემაჯავროვდა ფოლკლორულმა ანსამბლმა „წუნდამ“ შესრულდა ქართული ხალხური სიმღერები და საგალობელი. აღნიშნულ ღონისძიებას ესწრებოდნენ მუნიციპალიტეტის მერი როსტომ მაგრაქველიძე, საკრებულოს თავმჯდომარე მამუკა მელიქიძე და ადგილობრივი თვითმმართველობის წარმომადგენლები. წმინდა ცოტნე დადიანის ხსენების დღეს, მართლმადიდებლური ეკლესია, 1999 წლიდან აღნიშნავს.

შემაჯამებელი ღონისძიება



15 აგვისტოს ა(ა)იპ ასპინძის სახელოვნებო და სამუზეუმო დაწესებულებათა გაერთიანება – კულტურის ცენტრმა შემაჯამებელი საზაფხულო ღონისძიება გამართა.

ღონისძიებაში მონაწილეობა მიიღეს კულტურის ცენტრთან არსებულმა ანსამბლებმა: „წუნდამ“ და „სამცხემ“, ქალთა გუნდმა და კულტურის ცენტრის გაერთიანების სასოფლო კლუბების წარმომადგენლებმა.

ჭ ა ზ ა ნ ს ა ი თ ი

(ეთნოგრაფიული წერილი)

საზოგადოდ. ჯავახეთში, მამაკაცს მეტი გავლენა აქვს დღედაღამ, უფრო მეტადრე, წვერთეთრასი, რომლის ბძანებლობის და მორჩილების ქვეშ უნდა იმყოფებოდეს მთელი ოჯახის წევრი, რომელნიც ხშირად 20-30 სულს შეადგენს. ერთ უფროსის მეოხებითა, რომ ოჯახობაში ბევრდებიან და გვიანობამდე არ იყრებიან რამდენიმე ძმა, რომელნიც მისი ბძანების ქვეშ მორჩილობენ.

ბოდიშს ვიხილ მკითხველთაგან და აქ მოვიყვან ნიმუშად ჯავახეთის სახლ-ოჯახობის გამგებლობის მაგალითს:

1882 წ. სოფ. ხიზაბავრაში ცხოვრობდა კიდევ ჭარმაკი 70 წლის მოხუცი, ველიჯანათ (ხონხელთ) პეტე. მოხუცი პეტე მართავდა ოჯახში 47 სულის ბედობლასა. ამას ორი ძმაც ჰყავდა. ატო 67 წლისა, და აკო 62 წლისა. ცოლ-შვილი სამთავ ჰყავდათ. პეტეს 3 ვაჟი ჰყავდა, მათში ორი დაცოლშვილებული 8 სულიც ისინი. აქ ამათი შვილიშვილები არ გვაქვს ჯერ ამის ანგარიშში, აკოს 5 ვაჟი დაცოლშვილებული, — 10 სული. ასე სამი ძმის ცოლ-შვილს რძლებიან შეადგენს 8 ს.+10 ს.= 26 სულს. ამ ოჯახიდან 3 ქალიშვილიც გათხოვილი ჰყავდათ, რომლის ანგარიში არ შედის აქ. 21 ყმაწვილიც ამ უფროსი ძმათა შვილებსა ჰყავდათ, ე.ი. 7 ცოლიანსა შეადგენს 26 ს.+21 ს. = 47.



ხოლმე ყოველ დღე.

გასაკვირველი აქ კიდევ ის არის, რომ ამოდენა ხიზანში ერთი მეორის წყენა ძმებ შორის, თუ რომლებ შორის, იშვიათი იყო. ყველა ესენი, უფროსი მოხუცი პეტეს, რიხის ქვეშ იმყოფებოდნენ. ყველა მის ბძანებას ვერ გადავიდოდნენ, ვერც ქალნი და ვერც კაცნი ყმაწვილებითურთ.

პეტეს მიენდობოდა, გარდა იმისა რომ მის ბძანების ქვეშ ყოფილიყო 74 სულის გარემოება. მთელი ოჯახის შინაურ-გარეული მმართველობაც. მაგ. მიცემა საერთო, ხარჯების გაცემა და ვალების აკრეფა. საყიდელი რამ ოჯახისთვის, ნავთი, საპონი და სხ. ფარჩა, რის ცნობას აკო და ატო თავიანთ ნაყარს რაიონებში გაიგებდნენ თავათ პეტეს თავისაში! იკითხებდნენ რძლებში, ბავშვები თუ ვის რა სამოსი აკლდა და ამ ცნობებით რა გაიგებდა უფ.

კოვზებითა, რომელსაც თითოს სამოთხი უტლაკუნებდა კოვზით თვითეულს ჯამს და სჭამენ შეჭამანდა, ისიც დაგვირჩება უმნიშვნელო, იმათი ორყურანი უშველებელი ქვაბი, რაშიაც 47 სულის შეჭამადის მოდულებას კისრულობდა

მმართველი პეტე, ისიც იმ დაგვარ იყიდდა ალიბებს თუ სამოსელსა და სხ, და ამ გვართ საერთო მმართველებს უწევდა ოჯახსა.

ატოს მიენდობოდა ყანა, ჭალის თუ ბალ-ვენახის მოვლა: ამის ხელში იყო, ყოველი მუშა ხარებითურთ და

საჭმელ-სასმელის მარანი, ერობ, ყველი, ფქვილი და მისთანობა იყო ოჯახში, რასაც გამოზოგებით ახმარდა მის ოჯახს.

ატოს ცოლს მიენდობოდა მხოლოდ პურის ცხობა თონეში. ეს ადამიანი კვირაში ერთხელ ანთებდა თონეს, ზელდა, რძლების მოხმარებით, ორ ჯამს ფქვილსა. ამოდენა პურს სულ ის ადამიანი აკრავდა გახურებულ თონეში და ამოჰყრიდა ხოლმე, რომელსაც მთელი სახე-პირი დამწვარი ჰქონდა და წურწურით გადმოსდიოდა ოფლი გათენებდნენ ვახშობადნინ. აკოს ცოლს მიენდობოდა მთელი თხა-ცხვრის და ძროხების წველა და ნანველი რძის დამუშავება ერობ-ყველად. ამისავე ხელი იყო მატყლ-ბანალის შენახვა და საჭიროებაში დამუშავება მისი ქათამ-ბატის კრუხად დაჯდენა და გამოჩეკილების გაზადაც სულ ამის საქმე იყო. ქონება ამათი ველიჯანათ პეტეს 20 დესენტ. სახნავ-სათესი მიწა ჰქონდათ. 2 დესენტინა ვენახი მტკვრის ხეობაში, 13 სახლი, 300 სული თხა-ცხვარი, 10-13 ძროხა, 2-3 ცხენი, 3-4 ვირი, 4-5 ძაღლი, 3 კატა და 200 ფთაზე მეტი ქათამ-ბატი, 7-8 ხბო-ხარი, 6 უღელი გამოზამთრული 7-8.

ჯავახთა ნაწარმოებს შეადგენს: პური (დიკა, დოლი, ჭვავი), ქერი, სელი (სადანაც ზეთსა ხდიან), ოტკა (პურისას ხდიან), ერობ, ყველი, მატყლი, ბალანი, თაფლი, სანთელი, ხალიჩა, საჩოხე შალი, ნინდა, პაიჭი, ხურჯინი, ფიჩვი, ზეთი, კვერცხი, შინაური ფრინველი და საქონელი, კალმანი, წურბელიც და სხვა.

მოჭაბებულს ადგილობრივსვე ჰყიდნენ ჯავახნი ფულზე, ან სცვლიან საჭირო საქონელზედ, ხოლო კვერცხი, ნაქსოვი, წურბელი და ფეხმახვილი საქონელი გააქვთ ადგილობრივ ვაჭრებს დასავლეთ საქართველოში.

ჯავახელების ვაჭრობა დღითიღე წინ მიდის და სწრაფად ძლიერდება ალბ-მიცემლობა ცვლავზედ მოქმედებს, მაგ. შეტანილ ცოცხს ქერზედ სცვლიან და ამას კი სხვაზედ, გარეთ გატანილს ნაწარმოებს კი ფულზედ ასაღებენ.

ჯავახელები სცხოვრობენ ჯგუფად და არა დაფანტვით, როგორც დას. საქართველოში; სახლებს იკეთებენ ქვა-ტალახისა მიწაში. მათი სახლები დაყოფილია რამდენიმე თვლათ. ახორი და ოდა ერთ თვალშია მოთავსებული, რომელიც გადამკედლილი აქვთ კაცის სიმაღლეზედ ან ძელეებით, ან ფიცრით (კაცის სიმაღლეზედ) ზევით კი გაერთიანებული სადგომი და ახორი.

ახორში დაბმული ჰყავთ (ბაგეებზედ) ძროხა და ხარ-კამეჩი (20 სულიდან 40 სულამდე). ხოლო ოდაში თვითონ ხიზანი ცხოვრობს. ასე ადამიანი და საქონელი ერთ თვალთაში ცხოვრობენ და ადვილი წარმოსადგენია თუ რა უარესი სუნი, სიბინძურე იუფლებს იმათ სადგომში.

ჯავახის ოდა ასეა მოწყობილი: კარიდან პირდაპირ ბუხარია, ბუხრის პირდაპირ კი მაღლა ურდო (სანათური) აქვს ოთახს. ახორშიაც ერთი ორი (სანათური აქვს და გვერდებზედაც, აქეთ იქით, რომელზედაც ჯამები და ბოთლები მოხსკარული აქვთ.

გადამკედლილ მხარეზედ გაბმულია ჩათო, სადაც ჰკიდია ტანისამოსები და ძველ-ძველი საცვალი; იქვე ჭრელი ან თათრი ქალებსა, კიდობანია, რაშიაც თავის ნამზითი და ტანისამოსი აქვს მოთავსებული. იქვე, კარებთან აკეცილი აქვთ ძირითადგან თავამდი, ლოგინები და ზევითან ქილოები, ფიჩვები აქვთ დაკეცილი, ოთახი სრულიათ მომიწულია.

გაგრძელება იქნება

რედაქტორ-გამომცემ. მ. შ. შულაშვილი-პანაძე
ქურნალი „ჯვარი ვახისა“, N10, 1906 წ.

ფუტეობა ბაკურიანში

დაბა ბაკურიანში რეგიონული ფოლკლორული ფესტივალი – „ფუტეობა - 2019“ აღნიშნა.

დღესასწაულს სამცხე-ჯავახეთის სახელმწიფო რწმუნებულის მოადგილე ზურაბ ხაჩიძე, სამხარეო ადმინისტრაციის წარმომადგენლები, ასპინძის მუნიციპალიტეტის მერი როსტომ მაგრაქველიძე და სამცხე-ჯავახეთის თვითმმართველობების ხელმძღვანელი პირები დაესწრნენ. ღონისძიების ფარგლებში მოეწყო მხარეში შემავალი მუნიციპალიტეტების ეთნოგრაფიული კუთხეები, სადაც ხელოვნების ოსტატთა ნამუშევრები გამოიფინა, მსურველებს ადგი-



ლობრივი ტრადიციული კერძების დაგემოვნების საშუალებაც მიეცათ. საინტერესო ნაწილს წარმოადგენდა ასევე სამე-

ნარმეო მარკეტი. მენარმეებმა ბრენდირებული ხელნაკეთი ნივთები წარმოადგინეს, რომლებიც დღეს საქართველოში დიდი პო-

პულარობით სარგებლობს. აღნიშნულ ფესტივალში მონაწილეობა მიიღეს ასპინძის მუნიციპალიტეტის ა(ა)იპ ასპინძის სახელოვნებო და სამუზეუმო დაწესებულებათა გაერთიანება – კულტურის ცენტრის მოქმედმა ვაჟთა ფოლკლორულმა ანსამბლმა „წუნდამ“ და კულტურის ცენტრთან არსებულმა ქალთა ანსამბლმა. „ფუტეობის“ დღესასწაულის შემადგენელი ნაწილი იყო ასევე ფოლკლორული კონცერტი, საბავშვო გასართობი კუთხეები, კოსტუმირებული შოუები და დასკვნითი კონცერტი ლელა წურწუმიასა და ჯგუფ

„NONSTOP“-ის მონაწილეობით. „ფუტეობა“ კომპანია „GeoTourist“-ის სავაჭრო სოციალური პროექტია, რომლის მიზანია საქართველოს რეგიონული კულტურის განვითარების ხელშეწყობა და მხარდაჭერა. „ფუტეობა“ „კრედიტბანკის“ გენერალური სპონსორებით, პროექტ „CHECK IN GEORGIA“-ის, მხარადაჭერითა და მუნიციპალიტეტების ჩართულობით ხორციელდება. ფესტივალის სლოგანია – „დაუბრუნდი ერთი დღით შენს ფუტეს“. დღესასწაულს სამცხე-ჯავახეთის გარდა წელს კიდევ ხუთი რეგიონი უმასპინძლებს.

ახალი სასწავლო წლისთვის სათანადოდ მოეწმადეთ!

ა(ა)იპ ასპინძის სკოლამდელი აღზრდის დაწესებულებათა გაერთიანებაში შედის 4 საბავშვო ბაღი: ასპინძის N1 და N2, ტოლოშისა და რუსთავის საბავშვო ბაღები.

2019 წლის 1 ივნისის მდგომარეობით, ოთხივე საბავშვო ბაღის სრული კონტიგენტი შეადგენდა 422 აღსაზრდელს. აქედან 102 აღსაზრდელმა გაიარა სასკოლო მზაობის კურსი და სწავლას გააგრძელებენ მუნიციპალიტეტის შესაბამის სკოლებში.

საბავშვო ბაღებში მისაღებად კონტიგენტის ზრდის გამო, მიმდინარე წლის 1 აპრილიდან დამატებით გაიხსნა თითო ახალი ჯგუფი ასპინძის N1 და N2 საბავშვო ბაღებში, დასაქმდა 6 ადამიანი – 4 აღმზრდელი და 2 აღმზრდელის თანაშემწე.

ა(ა)იპ ასპინძის სკოლამდელი აღზრდის დაწესებულებათა გაერთიანება ემსახურება აღსაზრდელთა 14 ჯგუფს. ასპინძის N1 და N2 საბავშვო ბაღებში 6-6 სააღმზრდელი ჯგუფი, რუსთავისა და ტოლოშის საბავშვო ბაღებში – თითო სააღმზრდელი ჯგუფი.

ამჟამად მიმდინარეობს ტოლოშის საბავშვო ბაღის

რეაბილიტაცია, სადაც მომავალი სასწავლო წლიდან ნაცვლად ერთი ჯგუფისა, განთავსდება აღსაზრდელთა სამი ასაკობრივი ჯგუფი.

მუნიციპალიტეტის ფინანსური მხარდაჭერით ახლომდებარე 9 სოფლიდან ხორციელდება აღსაზრდელთა უფასო ტრანსპორტირება ასპინძის საბავშვო ბაღებში (ოთა, ოშორა, იდუმალა, დამალა, ივერია, გულსუნდა, ხერთვისი, აწყვიტა, ნიჯგორი).

საკმაოდ ეფექტური და ნაყოფიერია ეთნიკური უმცირესობებისათვის ინტეგრირების სწავლება. სომეხი ბავშვები მაქსიმალურად არიან ჩართულები საბავშვო ბაღის აქტივობებში. სკოლის ასაკისათვის ისინი უკვე სრულად ფლობენ სახელმწიფო ენას.

ა(ა)იპ ასპინძის სკოლამდელი აღზრდის დაწესებულებათა გაერთიანებაში დღეისათვის დასაქმებულია 73 თანამშრომელი.

2018 წლიდან ძალაში შევიდა ახალი სტანდარტები: ტექნიკური რეგლამენტი – „ადრეული და სკოლამდელი აღზრდისა და განათლების დაწესებულებების სანიტარული და ჰიგიენური ნორმების დამტკიცების

შესახებ“; ტექნიკური რეგლამენტი – „ადრეული და სკოლამდელი აღზრდისა და განათლების დაწესებულებების კვების ორგანიზებისა და რაციონის კვებითი ღირებულების ნორმების დამტკიცების შესახებ“.

ზემოთ აღნიშნული სტანდარტების დაცვას ა(ა)იპ ასპინძის სკოლამდელი აღზრდის დაწესებულებათა გაერთიანება მაქსიმალურად უზრუნველყოფს.

უახლოეს მომავალში იგეგმება აღმზრდელ-პედაგოგთა პროფესიული განვითარების ტრენინგ-მოდულების საფუძველზე მუნიციპალიტეტის მიერ ორგანიზებული აღმზრდელ-პედაგოგთა გადამზადება.

ა(ა)იპ ასპინძის სკოლამდელი აღზრდის დაწესებულებათა გაერთიანების საბავშვო ბაღებში ყველა პირობაა იმისათვის, რომ აღსაზრდელებმა მიიღონ ხარისხიანი ადრეული და სკოლამდელი განათლება.

ელისო ბეჟაური,
ა(ა)იპ ასპინძის სკოლამდელი აღზრდის დაწესებულებათა გაერთიანების უფროსი



წარსულის ფურცლები

ასპინძის საშუალო სკოლის მოსწავლეები. 1947 წელი. პედაგოგი ბაბულია ჯომარდიძე

აოჯი

მე ჩემი კალო გავლენე

მე ჩემი კალო გავლენე, ტომარას პირი მოგკარი, სარჩოს და საბადებელსა ლოცვით ბარაქა ვუთხარი.

ოდითგან წესად დათქმულა, — ცა სავსე მთვარეს დაიდგამს, ძნას დაგწნავ, კალოს გავმართავ, კევრზე ბაღლებსაც დავისვამ.

სანთლით გავბოხე უღელი, ხარს ქედი რომ არ დაუხრას, კევრი მედგარი რამ არის, აბჯარი კაჟის აუსხამს.

დაეკიდება უღელზე, აპეურს შუბლზე წაიკრავს, უბეგავსებულ თავთავებს გალენავს, ფეხქვეშ გაიტანს.

უსწორმასწორო კალათას მოუქცევ ნიჩბით კალოსა, დიკის პურს ცერისოდენას მივანდობ ამბრის ხაროსა.

მიღეთის კალოს ბორბალი ბედ-იღბლით განერილია, ბზე რომ ბზე არის, ისიც კი საბძელში ჩასაყრელია.

მზემ გაიმეტა ნათელი, ავდარმაც ბევრჯერ იავა, ილაჯგანყვეტილ მეხრეზე სიბერემ ჯავრი იყარა.

ჩემამდე ასე ყოფილა, ასე იქნება მარადის, ვინც ერდო მოხნა, იმანაც ვერ დაიჩემა ბარაქით.

ჯავახეთს წავალ

ფეხზე ჩავიცვამ ტყავის ქალამნებს, გაფურიგდები მტკვრის ჩურჩულს მალვით, ჯავახეთს წავალ, ამ ერთხელ კიდევ და ავისრულებ დიდი ხნის წადილს.

„კრისჭალის ბაღში“ სველ მოლზე გავალ, „ნაფეტურებში“ დარიჯებს დავთვლი, „ფუნდულულის“ ცივ წყალსაც შევსვამ, სულს მოვიოთქვამ და ნაღველსაც დავცლი,

„და-ძმის მონასტერს“ შემწეობას ვთხოვ, — შემძებლებნოს ამ ერთხელ კიდევ, აჰა, „სირმელიც“, სულ ცოტა დარჩა, ქარაფზე მხრები გავშალო იქნებ.

მაშინ ქალამანს თასმას შევეხსნი, „აღნიორებსაც“ ფეხით დავივლი, „სეფისკალოზე“ სანთელს დავანთებ, ლილილოების ჩიხტას გამოვწნი.

მომეგებება სითბო ზეგანის, მტრედებს ჩაუბამთ „ფერხული“ ბანზე, შემომავფრინავს შავ ძაბებს ქარი, ბაბუანვერა მომყარის ფანტელს.

მე დავბრუნდები ჩემს ბავშვობაში, „დოლაბში“ შედგმულ ოცნებებს ავშლი, ისევ ავკინძავ იმ ძველ სურვილებს, დაკარგულ მძივებს დავძებნი „ფაგში“.

„ქვის ქოფანაში“ წყალი ჩამდგარა, პურის ჯეჯილი ძალ-ლონეს იკრეფს, „აბულის მწვერვალს“ მთვარის შუქი სცემს, დაველოდები, იქპაროს, იქნებ.

ფეხზე ჩავიცვამ ტყავის ქალამანს, გაფურიგდები მტკვრის ჩურჩულს მალვით, სოფელში წავალ, ამ ერთხელ კიდევ, და ავისრულებ დიდი ხნის წადილს.

ავტორ-მთქმელი
ელვა ლეკიშვილი,
ასპინძა, 71 წლის

თქველაბა

ჩაგადა ანუჩიბაა

ლეგენდის მიხედვით, როდესაც თამარ მეფე ბასიანისკენ მიუძღოდა ლაშქარს, დალილებმა ერთი ბანაკი დასცვეს დასავენებლად. ის იყო, პურობა დამთავრდა, რომ თამარის დაბმულმა ცხენმა აიწყვიტა და დაიჭიხვინა. მეფეს გაუხარდა — ეს კარგი ნიშანია, გამარჯვების მომასწავლებელიაო. ბასიანის ომის ძლევა მოსილი გამარჯვების შემდეგ ამ ადგილისათვის აწყვიტა დაურქმევიათ.

ჟურნ. „ქველის მეგობარი“, 1993 წელი, გვ. 27

კულტურა

მერიის სელმენოვით გაიმართა



12 აგვისტო ახალგაზრდობის საერთაშორისო დღე აღინიშნა, რომელიც გაეროს ინიციატივით 1999 წლიდან ყოველ 12 აგვისტოს იმართება..

ამ დღესთან დაკავშირებით ასპინძის მუნიციპალიტეტის მერიის ინიციატივითა და დაფინანსებით ასპინძის კულტურის ცენტრში უფასო კონცერტი გაიმართა პაატა გულიაშვილისა და პაატა ხაჩიძის მონაწილეობით.

აღნიშნულ ღონისძიებაზე ასპინძის მუნიციპალიტეტის მერმა როსტომ მაგრაქველიძემ დამსწრე საზოგადოებას ახალგაზრდობის საერთაშორისო დღე მიულოცა. ახალგაზრდებს, რომლებმაც მთელი წლის მანძილზე სხვადასხვა მიმართულებით მნიშვნელოვან წარმატებებს მიაღწიეს მუნიციპალიტეტის მერმა მადლობა გადაუხადა და დააჯილდოვა სივლეებითა და ფასიანი საჩუქრებით

სოფელ აწყვიტაში გზის მშენებლობა დამთავრდა

ასპინძის მუნიციპალიტეტის სოფლების მთებში მისასვლელი გზების, მთის ნაშალისაგან განმეხდა-შეკეთება-რეაბილიტაცია დასასრულს უახლოვდება. აღნიშნულ სამუშაოებს აწარმოებს ტენდერში გამარჯვებული კომპანია შპს „ჯავახეთგზა“, რომლის სახელმძღვანელო ღირებულება

შეადგენს 20 000 ლარს. ტენდერით გათვალისწინებულ ვადებში დამთავრდა შენობის სამუშაოები სოფელ აწყვიტაში. შესაბამისად მთაში მისასვლელი გზა ნაშალისა და მენყერისაგან გაიწმინდა სოფელ საროსა და ნიჯგორის მალაღმ-თან ზოლში.



სპორტი

„ტაომ“ დამაჯერებლად გაიმარჯვა



ამ დღეებში ასპინძის რაგბის ბაზაზე ერეკლე II-ს სახელობის, გარდამავალი თასის მოსაპოვებლად მატჩი გაიმართა, რომელშიც სამცხე-ჯავახეთის „ტაომ“ და თელავის „თელავი“ ასპარეზობდნენ. თამაში 44-14 „ტაომს“ გამარჯვებით დასრულდა. თამაშს მოსახლეობასთან და გულშემატკივრებთან ერთად ესწრებოდნენ სახელ-

მწიფო რწმუნებული სამცხე-ჯავახეთის მხარეში ბესიკ ამირანაშვილი, სამხარეო ადმინისტრაციის წარმომადგენლები, ასპინძის მუნიციპალიტეტის მერი როსტომ მაგრაქველიძე, მუნიციპალიტეტის საკრებულოს თავმჯდომარე მამუკა მელიქიძე და ადგილობრივი თვითმმართველობის წარმომადგენლები.

ახალი ნიბნები

ასპინძის მთავარმა ბიბლიოთეკამ ახლახან მიიღო შემდეგი დასახელების ნიბნები:

- მაკიუენი — „მონანიება“. თბ.: ბაკურ სულაკაურის გამბა, 2018 — 605 გვ.
- მაკლონაღი რ. — „შიში“. თბ.: პალიტრა, 2018 — 429 გვ.
- ნესი პ. — „დანარჩენები უბრალოდ ვცხოვრობთ“. თბ.: ბაკურ სულაკაურის გამბა, 2018 — 253 გვ.
- ნოლი ჯ. — „ყველაზე იღბლიანი გოგონა“. თბ.: პალიტრა, 2016 — 342 გვ.
- პეტრსონი ჯ. — „მკვლელობაში ექვმიტანლის აღსარება“. თბ.: პალიტრა, 2018 — 353 გვ.
- რატიშვილი მ. — „ბედის მწერლები“. თბ.: საქართველო, 2018 — 135 გვ.
- რატიშვილი მ. — „იარა“. თბ.: კალიგრამი, 2018 — 261 გვ.
- სონლულაშვილი ი. — „მირანდუსტიად ხობილი“. ნ. I თბ.: საქართველო, 2010 — 487 გვ.
- ატკისონი ქ. — „გაუხსნელი საქმეები“. თბ.: პალიტრა, 2016 — 335 გვ.
- რატიშვილი ნ. — „იარა“. თბ.: კალიგრამი, 2018 — 261 გვ.
- სანიკიძე ვ. — „დედა ისტორია“. თბ.: ახალი საქართველო, 2018 — 500 გვ.
- „ტაო-კლარჯეთი, ისტორიისა და კულტურის ძეგლები“. თბ.: არტანუჯი, 2018 — 589 გვ.
- ტურგენივი ი. — „რუდინი. ასია უბედური ქალი“. თბ.: პალიტრა, 2018 — 351 გვ.
- ტურგენივი ი. — „პირველი სიყვარული“. თბ.: პალიტრა, 2018 — 327 გვ.
- უოტსონი ს. — „სანამ დავიძინებ“. თბ.: პალიტრა, 2017

- 332 გვ.
- ფოლტი კ. — „უკუ ათვლა“. თბ.: პალიტრა, 2015 — 363 გვ.
- ქობენი პ. — „არაყის უთხრა“. თბ.: პალიტრა, 2016 — 355 გვ.
- ჩაჩიბაია-მუნტიუკოვა ნ. — „თავზარდაცემული“. თბ.: 2010 — 368 გვ.
- ჩენდლერი რ. — „ღრმა ძილი“. თბ.: პალიტრა, 2018 — 327 გვ.
- ჩესტერტონი ვ. — „მამა ბრაუნის სკანდალური ამბავი“. თბ.: პალიტრა, 2018 — 295 გვ.
- ჩესტერტონი ვ. — „კაცი რომელიც ხუთშაბათი“ იყო. თბ.: პალიტრა, 2019 — 287 გვ.
- ხარატიშვილი მ. — „ბედის მწერლები“ ნიგინერი, 2018 — 136 გვ. თბ.:
- ჰესე პ. — „ტრამალის მცელი“. თბ.: ბაკურ სულაკაურის გამბა, 2016 — 293 გვ.
- ჰემეტი დ. — „გამზადარი მამაკაცი“. თბ.: პალიტრა, 2018 — 335 გვ.
- ჰემეტი დ. — „მენამული მოსავალი“. თბ.: პალიტრა, 2019 — 351 გვ.
- ჰანა ს. — „მონოგრაფიანი მკვლელობები. ერეკლე პუ-აროს ახალი თავგადასავალი“. თბ.: პალიტრა, 218 — 423 გვ.

ასპინძის მთავარი ბიბლიოთეკა



გაზეთ „ასპინძის სიახლენის“ რედაქციის ღრმა მწუხარებით იუწყება, რომ 98 წლის ასაკში გარდაიცვალა დიდებული ქალბატონი, მრავალი თაობის ღირსეული აღმზრდელი, საქართველოს დამსახურებული მასწავლებელი, ასპინძის საშუალო სკოლის ყოფილი პედაგოგი

ეთერ ცარცვაძე

და სამიძიარს უცხადებს განსვენებულის ოჯახს.

ინფორმაციები მოგვანოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა

რედაქცია